

# **Utoqqalinersiaqarneq pillugu Inatsisartut inatsisaannik allannguineq pillugu Inatsisartut inatsisaat (Utoqqalinersialinnut, utoqqalinersiaqarsinnaatitaanngitsumik aappaqartunut, kisermaatut utoqqalinersianut tapermik pisinnaatitaaffik)**

## **§ 1**

Utoqqalinersiaqarneq pillugu Inatsisartut inatsisaanni, tak. Namminersorlutik Oqartussat inatsimmik nalunaarutaat nr. 10, 24. marts 2023-meersoq, Inatsisartut inatsisaat nr. 36, 13. juni 2023-meersup aamma Inatsisartut inatsisaat nr. 70, 20. november 2023-meersup malitsigisaanik allanngortinneqartoq, tulluuttut allannguutigineqassapput:

**1.** Nutaatut § 5, imm. 2, ikkunneqassaaq:

” Imm. 2. Utoqqalinersiallit utoqqalinersiaqarsinnaatitaanngitsumik aappaqarlutik inuusut, utoqqalinersianut tapisiaqartinneqassapput utoqqalinersialimmut kisermaamut akigititap annertoqataanik, tak. § 10, imm. 1, utoqqalinersialik aappaalu ukiumut katillugit kr. 300.000-t inorlugit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat pensionisiallu ilanngunnagit, isertitaqartarpata. Utoqqalinersianut tapeq utoqqalinersialinnut kisermaanut malittarisassat malillugit appariartuaartinneqassaaq, tak. § 10, imm. 2 aamma imm. 3.”

Imm. 2 tamatuma kingorna imm. 3-nngussaaq.

## **§ 2**

Inatsisartut inatsisaat ulloq saqqummiunneqarfiata aqaguani Inatsisartut inatsisaat atuutilissaaq aamma qaammatip tulliani utoqqalinersianik tunniussinermut siullermeertumik sunniuteqassalluni.

Imm. 2. Peqatigalugu 2024-mut aningaasanut inatsimmi oqaasertaliussaq, kontumut pingaarnermut 31.03.08 Utoqqalinersiat, Inatsisartut Aningaasaqarnermut Akileraartarnermullu Ataatsimiititaliaannit ulloq 16. januar 2024 akuersissutigineqartoq, atorunnaarsinneqarpoq.

*Kalaallit Nunaanni Namminersorlutik Oqartussat, ulloq 16. maaji 2024*

**Múte Bourup Egede (atsior.)**

Naalakkersuisut Siulittaasuat

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut